



文喜堂詩集卷中

濡須江漁朱芾煌玉璫著

五言律詩

將適越過水雲菴別僧祇宗

以下越吟
甲戌乙亥

黃葉階除積年來到此
稀嵇山明日路蓮社更
相違樹老占僧臘雲寒
檢衲衣無生知己悟禪
誦莫開扉

舟泊黃金墩因憶白榆姪示餞別者

官舫河邊柳親知席上
觥山雲仍草樹客路自

旗旌友社詩文事僧堂鐘磬聲十年前舊夢與
月挂三更

至越

風氣流吳會山川自越中草香平岸水花豔逐
溪風客棹布帆轉兵營海舶通數朝鳴櫓月已
識浙西東

姚江入郡城雜詩

舟開橋下水帶夢過東關江響曹娥魄山怡西
子顏岸聲喧蚤戶夜網動漁蠻為吏無安穩心

閒即此閒

其二

不盡悲思意海門雲氣深岸花嬌女靨江水纍
臣心越殿鷓鴣叫吳宮麋鹿侵獨於明月夜一
舸酒長斟

其三

往返雙城路江橋玉一灣候人航舜水謁客上
龍山若使征輸減還令簿牒閒便思學古吏公
事了湖間

其四

星移畫鷁流葉落海潮秋鳥聚過江客雲飛下
壩舟晚輿郡城路朝艫縣橋頭來往乘煙水風
波別有愁

署中感事示客

勿訝官衙冷芙蓉歲歲開黃供鮮蟹甲紅摘熟
楊梅禹穴藏書在虞江急水來安排遷謫意夢
不到金臺

道經徐州野望示同路諸覲者

迢遙晴矚目平楚曠無關山占鄒滕路河分兗
泗灣雨雲生日珥蒼莽起煙鬟魯越渺何極驅
車尚未閒

其二

平郊流野色遠眺亦開顏漾日陌生浪騰空塵
作山摩雲高鶴去浴水小鳧還可歎邨煙斷同
行說旅艱

初過淄河

丁丑
齊謳

荒灘高霽月淺瀨走平沙碑碣嗟前代風塵到

使車牛山歸獵火溜水鞞昏鴉欲訪魚鹽俗將
無尚帶誇

古意

團扇云羞見書裙愛獨來看花開欲笑聽曲怨
知哀半倚龍須席多擊鸚鵡杯春風吹有意香
發野塘梅

自德州取道吳橋北行別內人畱德州

時奉檄催督草場

戊寅
圍嘯

鞞鼓城頭急行鞭雲外揮鞞愁東國婦淚灑北

征衣白骨河無數黃塵戰合圍深閨無怨別芻
輓檄方飛

督糧通州正月十五夜月

舊冬入都遇亂妻孥
寄德州是時隔無音

耗已卯
營噫

清媚先春影羈愁慘夜情死生光不照聚散夢
難成燐火明花樹邊聲動玉笙青天飛鏡滿賊
騎未移營

通州寄同官

時從內使閻劉監
軍諸路師俱集

何識從戎事今隨驃騎營沙迷三協路雲暗九

邊城諸節度分閩觀軍容監兵轉輸奚所問心緒似危旌

自河西務往三河

西辭潞河水回首望都城帝闕彤雲護邊營黑氣驚龍旗搖露濕戰鼓咽霜沈大督臥何處諸師未發兵

入薊州

雲日野荒荒高城戍幟長春閨啼濟北使騎在漁陽草短沿邊路鴉摩敗壘場伶俜三兩僕何

以踐戎韉

適九江遇荻港風發不得入郡

以下辛卯庚辰潯江聽濤

樓

六載他邦吏秋風歎望鄉人煙瞻濡口檣力過
鯀昌雨暗花林隔郡城河名花林河濤驚荻港狂家園昨夢
到蓉露濕東塘

江上送客還楚

雲晴霜氣收別恨荻花秋裝薄芙蓉水愁經鸚鵡洲詩情丹葉冷江路綠林愁早晚湘沅曲煙

波一片浮

舟次坐廢祠銷暑

暮雲蒙廢宇孤磬雜江聲
賈舶依門祀漁罾挂殿楹
邨虛無社鼓年儉少刑牲
獨樹高堤外依然得暑輕

暮過池口

日落波光黑行舟鼓未分
櫓搖秋浦水帆轉九峰雲
城遠昏難指洲香靜可聞
清溪詠詩處古思欲紛紛

無題

倚閣春衫換褰裳粉汗潮
燈明無限意月照可憐宵
蜴蜥砂銷歇菖蒲花寂寥
幽情如欲訴記注在生綃

送子微菽之輩歸濡須

挂席煙波渺開尊細雨愁
廬雲方極目蠡水動歸舟
署冷催花鼓簾虛刻燭樓
別懷不可盡江漢暮悠悠

葺治先人墓廬候焚覃恩封典

以下庚辰
永思廬

松陰蔭遠岡山館意蒼涼墓土埽雲影皇恩爭
日光鳥聲啼柏樹霜葉下垂楊去此六年事依
依安可忘

晚步感舊

拄杖溪雲濕芒屨香霧通漁寒吹宿火鐘老濕
迴風楊柳舟初繫薜蘿路欲窮忽生離索感鼓
月在高桐

冬日邨居同鮑生夜坐

邨遙人事寂屋小得雲深山冷淨名夢松清學

道心高齋通夜氣宿鳥起更吟坐此悠然處孤
懷何所尋

郊外春感

野色曛如動春雲流有聲晴光莽無屬溪水暗
相生碧靜安荒壠紅飛點亂城黯然傷不盡平
楚眺縱橫

家園春望

廣陌明蔥蒨高樓當遠尋水香烘草氣雲熱起
春陰雉雊紅情亂鶯啼綠響沈乾坤懷有恨遮

莫酒常斟

對鶯

刷羽羃花叢輕身動柳風縷衣春娥媚簧舌曉
玲瓏寶枕紅啼夢新機碧織工須防有金彈最
是上陽宮

晚泊高郵

辛巳入
都行憩

日落暮聲雜舟航水郭盈漁家岸火亂酒市夜
燈生寶應湖光接維揚斗野明高天上寒魄客
夢到神京

燕巢

以下壬
癸非騷

王謝鬱金堂高栖玳瑁傍天時占戊己星氣認
瑤光榜壘水雲意泥封花草香獨憐兵火地林
木亦雕梁

時流賊焚
掠江北

巡視看內苑鸚鵡

駕司日
巡大內

綠衣羈上苑香稻啄雕籠雖抱能言慧無關聖
聽聰隴雲歸有夢宮樹戀何窮慎默藏身好檐
前忌語工

月下閱家鄉塘報

妖星芒角白凍月暈雲黃蕪浸江流血霜天一
望長衣霑南國淚砧斷北人腸烽火衝春雁鄉
書尚渺茫

裕溪夜發

以下回燈
集檢存

雨歇動幽歌風帆夜挂多蓬燈團水暗杯酒閱
邨過岸燥復鳴蚓波平不起鼉鼓吹須口艦吳
魏事消磨

裕溪江即
吳魏戰處

惠山過鄒園

景色已清妍名高又在泉為園依地勢鑿翠總

天然客櫂帆收水遊歌人扣舷偶來得勝槩臨
去復畱連

江南春游

暖色媚橫塘朱樓日影長旗亭颺酒氣雀舫入
蘆香水泛鴛鴦穩風翻蛺蝶忙蕪蕪前浦夜遊
興豈能忘

有憶

愁懷分柳陌別夢醒花朝傳上巴陵水今羈長
版橋書回春入夜舟去雨添潮不謂經心處辛

夸葉又招

贈別

蘭芷漾芳柔煙光動別愁酒分垂柳岸帆遠夕
陽洲沙暖眠鷗住風迴去雁畱如何楊子水潮
去帶行舟

南遊與鄒彥先同寓邳州官湖坐月有

感

以下甲
申述音

野水泝蒼涼黃昏客斷腸亂離真草草期會轉
茫茫通德人原是伶玄興豈忘都將邳下淚霑

灑付壺觴

望金陵諸山寺

古跡南朝寺樓臺煙雨多舊游曾幾處攬勝欲
重過一聲消塵劫諸天下梵歌餘生空此在惟
與學頭陀

江上旅思

早久增餘暑波明照晚山幕天開卵色弦月上
弓彎祝夜成幽夢封書囑早還淚流比江水朝
暮與潺湲

其二

溽暑深秋熱昏江
蘸店門雨珠粘汗氣
月鏡判離魂人似憑
雲合愁如長浪痕
晚風登嘯處空
自學劉琨

其三

客思如庭葉
秋風積幾堆
背人鴻自去
聚語雀多猜
遭難人空老
銷魂夢也哀
獨垂千古淚
落日大江隈

其四

旅夢因多難
驚愁未易開
酒澆惟趙土
書失是秦灰
遠意臨寒水
高風上古臺
欲尋銷怨處
向月問新醅

烏江寓僧菴

菴荒存碧野
市小是烏江
霸氣銷秋草
羈情冷夜缸
看僧供茗椀
對佛禮幡幢
今日茫茫意
斜陽下竹窗

邨居雜詩

以下乙酉
春畧牀

騁目一遐眺
東風應復愁
有人吟夜月
欲往隔

春洲投老何山隱深慙一室謀傷心髭半白莫
上望京樓

其二

淺塘春水漫幽塢野雲飛一望芳洲色青青與
願違書來知己少事較往年非最喜桃花片偏
能拂釣磯

其三

愁悶半春事晴芳看已全暈開無雨月雲麗養
花天忍淚來桃下分愁與燕邊夕陽煙景在攜

手上漁船

其四

客履少經過深宵雨沒莎紅塵知客意白髮柰
春何城隔兵聲合邨孤盜信多安生無一可只
有荷瑯戈

其五

酒店柳花香江洲草色芳短筇閒步去何處感
春陽水伏魚兒隱風翻燕子忙物情皆是此惆
悵艾如張

其六

芳草遲余久垂楊蔭若斯暖雲蒸麥氣新雨點
花時歌袖侵簾影壺觴攪鬢絲鴟夸歸笠澤何
以慰吾思

其七

老乏駐顏術歸來園已荒但求田種秫不厭酒
盈觴桑未栽千本兵猶起四方艱難惜生理日
落更徬徨

其八

河渚誠蕭瑟茅堂任自疎夢多年少事家少舊
藏書恣縱信陵酒佯狂廣漢鋤炎涼隨位置避
世此何如

偶作

以下丙戌
汰水莊

窈窕歌山鬼顛狂賦惱公閉門深虎落扶杖怯
龍鍾管貢今誰是田疇未許同所思不可見風
雨一燈紅

宿水雲菴憶白榆姪暨祇宗兩叟友

露坐三生石風傳午夜鐘佛燈新劫火客夢舊

雲松人返如遼鶴心降是鉢龍所嗟圓澤唱不
見隔溪逢

午日飲仁度子微莊

樹底榭明酒山頭月厭簫結廬鄰寂莫逢節與
逍遙醉袖憑眠石歸舟只渡橋浩歌應暢意不
必楚魂招

飲散歸途

月光明客影夜氣暗河汀棹遠歸時路天移坐
後星歲時真石火歡聚亦風萍蒲酒今成醉明

晨又獨醒

夏日

林密疑無暑薇紅若見春每邀嘗酒伴愛聽說
山人牧笛風偏度牛衣雨自親魚鬚流翠碧還
復滿牀陳

却寄景州王晉之兼柬曹雲從

以下丁亥
汰水居

時異難逢面書來得慰吾夢深瀛海路淚斷廣
陽都文史從淫蠹交遊莫泛鳧建安依子建豈
歎仲宣孤

摘茉莉

豔香滋露氣柔瓣澹炎氛晚媚蘭湯水朝霏寶
髻雲海南窺鳳使楚畹結湘君姊妹秦淮水今
無醉枕聞

正月十四日兵憲丁右海招飲巡署筵

散更寂不寐作詩紀事

以下戊子溪堂

讌飲營門散兵聲燈事休巫陽招不下狐語亦
何幽雨落人家閉天高夜夢浮願言我歸處欲
以告心憂

客有以蜻蜓比蠶蝶者

點水飄飄去乘空款款升遊非營蠟室情不化
青陵莽尾原無螫忘名免榻勝輕塵弱草意正
自少人憎

七月夜熱

秋熱逃無所占雲術未工暝看欣鳥白夜照怯
螢紅社燕將辭去鳴蜩獨善逢青天碧海意日
近鵲橋通

江邨立春日憶城中廢園梅花

以下己丑溪堂

清冷漁家路黃昏小立時春生今日醉梅記去
年枝籬破雪誰豔園荒月與知折來傷歲暮惟
詠杜陵詩

其二

時傷經歲別花怨小亭間隴雪知誰折梨雲有
夢還玉煙仍咫尺羌笛在江山春信愁人老思
君意獨關

其三

容光分亂後思憶急春先對雪人雖隔生香信

尚傳高城休報角彼美惜遺鈿識我相思處江
沙照月圓

其四

玉豔近何如別離春又初影來嫌院冷魄返怨
人疎憑仗樓無笛依稀隴有書重城何久隔託
寄在蟾蜍

金陵張容子與亾兒稽逸遊今過濡須
適值亾兒埋骨之期賦此

雖同剡水棹恰比素車來埋玉懷多恨盟金意

不灰死生白下路今古西河哀澹月窺堤柳悲
歡共此杯

晴望

杖履霜晴後遐瞻在遠臯樹疎茅屋出溪涸小
橋高鶴鳥摩雖疾梅花冷自豪獨吟長嘯處雲
暖木棉袍

其二

野店與溪灣遊行取次間煙橫古渡水雪滿過
江山衰草從搖落浮雲看等閒枋榆有小鳥淩

起欲高攀

其三

寂靜野溪潯帷封晚院沈人煙團月上霜氣肅
宵深燈穗今何意梅花遠欲尋出門覘夜色珠
斗帶橫參

其四

檐暖夕陽多林深少客過攤書簾卷閣理棹釣
當河惱殺花無賴空教歌柰何余情自如此白
髮影婆娑

秋月夜 以下庚寅溪堂

珠斗移杓柄金風到扇紈須將杯盞盞好對月
團團枝鵲休驚夢天雞緩夜闌桃笙雖欲展要
待坐更殘

和李義山學徐陵江南曲

郎船安兩槳妾舫亦雙橈並濺香裙濕齊歌豔
曲嬌相迎今有渡誤約不愁橋欲向荷深處貪
看弄晚潮

舟行晚泊 以下癸巳照清樓

淺瀨拍浮浮風輕一葉舟河岐分燕尾山轟起
螺頭燈火依村店星光帶舵樓人生意何定吾
道在滄洲

十月杪南莊摘橘籬尚多菊開

秋色南莊好扶筇放足看花畱彭澤醉橘當洞
庭餐食蟹偏甘老遊山獨柰寒可知幽澹味俗
外正相安

偶成 甲午

小榭成危眺孤懷不可開有風吹燄魃無雨走

唯雷憶夢惟垂枕銷愁故舉杯開門何客到馴
雀破莓苔

錄小集完示客

篋深應飽蠹身隱又焉文聽與譏僮父何勞待
子雲牆東吾自老研北亦徒勤從此忘名去都
將筆墨焚

六言律詩

偶成

以下回燈
集檢存

野館誰鳴洞簫輕舸穩繫江潮卷簾但通舊燕

拂石惟引新蕉歲事黃深鶯被春情紅亂蠶腰
莫把愁心誤認酒死不似花銷

有贈

家住揚州對江能歌吳下新腔裙拖鴛鴦幅幅
帕繡蛺蝶雙雙綽約步搖金雀嬌羞眼避銀釭
三年畱盟錦帶十五且莫當窗

野興

己丑
溪堂

酒韻乍生小艇荷香闌入橫塘夕照看沈綠樹
明星早待滄浪得此一絲釣澤邀盟幾箇漁郎

從予此後忘世比較三公孰強

其二

樹密陰遮橋口花香風送漁舟鄰翁過從博進
遊女結伴歌謳只傍孤邨酒舍不須明月書樓
要栽芙蓉倚岸更看蘋蓼垂洲

贈子微六十

鶴背騎升事邈竹林嘯隱心違白髮相看共老
青山憶舊人稀摩詰詩中有畫海鷗水上無機
待向洞庭吹笛同期丹嶠尋薇

七言律詩

偶過湯光祿伯衡城南舊園園後屬曹

孝廉環應亦復作古感而賦此

甲戌冬
適越

楊柳堤邊去馬遲芙蓉江上憶當時每從窈窕
傾君酒多遣玲瓏唱我詞碧榭又更亭館額青
山尚欠墓門詩湯休化去東阿死斜月荒原一
段思

渡錢塘

以下甲戌乙亥
丙子越中吟

波濤直漲海門遙沙信從於古渡驕西望雲分

吳苑樹東來人過浙江濤八千勁弩偏能射三日蠻軍故不潮一想靈洋有憑弔夕陽沙鳥自前朝

渡曹娥江

日燄曠曠上海邦霜吹彩鷁下空江炊煙酒旆高荒驛渡鼓漁歌動遠艫幼婦題詞無碣石孝娥廟貌有旛幢波紋不動平如鏡昨夜靈神怒少降

季本之外弟過姚江夜話

時江北有寇矣

官舍鐘聲起麗譙烽煙何幸阻寒宵可憐海國晴看月猶記江門夜聽潮鄉夢欲隨雲共遠春愁未許酒能消朱家俠氣今全減把手燈前慰寂寥

天台道中

路入天台翠靄多鳥聲傳響老雲窩霞標日起青峰外藥氣春香碧澗阿流水有緣來遠客桃花何故隱仙娥岡巒草樹頻迴合獨向胡麻渡上過

天台歸至奉化道中

溪光嵐氣靜氤氳常駐籃輿對夕曛客渡每編

輕竹筏人家多住半山雲江搖柱向春風誤訪問江搖

柱以三月初食遲則不得矣拄杖藤從夜雨分攜有天台藤杖歸回浦路紆城郭

隱四明星洞意殷殷

却答姪孫崑柱光祿敬之文學以書祝

予誕并寄看劍集新刻

訟庭苔繡印牀封有客題詩寄越壙犬馬齒隨

華髮長竹林夢與故山逢蘭亭舊事尋陳迹濡

塢新傳起堠烽作吏海邦無好緒燈前光顰看
芙蓉

西湖飲邵思遠孫碩膚兩孝廉舟中以下丙子

北觀

蘭槩夸猶去欲迷南屏山下水平堤湖山香靄

生冬暖歌舞淹畱到月低寂寂園陵南渡事重

重樓閣古人題暝煙是處聞清磬鳥送歸舟一

路啼

北觀渡淮接祁世培御史鄭訥菴兵憲

諸公報書知地方懇畱意切當事不
憚必欲改調感賦

強項奚堪臥轍畱尺書猶接遠鴻投桐鄉有意
祠朱邑客舍無容薦馬周勾越煙塵傷旅思鍾
離霜雪照征裘可嗟宦海風波險不似長淮水
直流

北覲將至景州欲過王抱一曹雲從家
廣川門鼓起昏鴉咫尺相思劇孟家到此馬寒
嘶錦障當時人語怨琵琶客馳白羽多橫草雪

漲黃雲又落花行路艱難勞計事故人應笑鬢
將華

祭倪寬墓

以下丁丑
戊寅齊謳

漢朝侍御葬金魚聖世春秋薦醴蔬野燒不迷
題墓碣晴郊猶到長官車茂陵自喜文章吏

武帝不悅

卜式無文故
以寬為御史

內史何勞封禪書

寬先為內史
贊封禪事

千乘廣原人

物是可能人似帶經鉏

李瑞徵縣尹邀飲別墅看集場

麴塵絲短麥苗柔問俗登車當冶遊物聚五都

從習尚飲期十日竟淹畱郊原細草畱人醉樹
杪斜陽促市收早得放衙停過謁東方無事樂
齊州

同連臨淄八虞葛莒州鼎如兩同年登

青州雲門山

危巒拔地勢巒屹到此登臨思渺然劈畫雲峰
知巨手鑿開天竇是何年

山有凹如門
似手劈者

山川落日收

雄霸林鳥蒼煙閱代遷小立巖邊成薄醉齊州
九點落尊前

量移戶曹奉部檄嚴催至南皮遇警復

返德州值雅州守同年項莊菴感事

戊寅十一
月十八日

刁斗城鳴落日昏揮鞭西返德州門河水急繞

朱旗影閨閣驚啼玉箸痕節度軍驕愁魏博

時顏
撫軍

兵守趙泊
口多橫輕車客困憶平原

家室言同籍兵
使者不肯收恤

將兵十萬橫

行甚誰說書生不可論

三月九日同王副戎登景忠山望

時兵出
青山口

將盡矣已
卯春營噫

晴光不見草含熏但望黃沙裏陣雲灩水夜平
徐駐馬青山春盡緩移軍登高極目傳烽遠醜
酒臨風夕照曛試想督師酬主事只今何以策
功勳

邀汪友仙榷部飲南湖煙水亭

以下已卯九
江聽濤樓

孤嶼亭開秋氣疎山川指點到來初遊人草坐
皆宜酒傲吏江樓好著書蘭芷遠尋通楚畹芙
容高臥接匡廬金錢少府供輸急合向磯頭伴
老漁

與黃兵憲闇齋飲南湖舟中

煖傾蘭酒炙鵝笙畫舸香風起杜蘅潮水湧生
湖水靜遠山高與近山平江州座上衫初濕開
府樓前月正明郡有
庾樓來往煙波看漁釣長歌一動
楚人情

春日江樓

春色搖搖放目收流蘋芳芷向江浮杏花吹酒
常霑醉燕子窺簾欲上樓人似潯陽潮不到夢
於巫峽雨常畱遠風何處生寒笛飛挂垂楊長

客愁

擬古閨怨

錦翼雙棲木對華碧
檠光冷曉鳴鴉金微路杳
春宵夢素織機寒
午夜紗杜宇不啼關外路
驢應記別時家東鄰
昨日歸夫壻兩兩遊同七
寶車

擬古豔體

樓頭燕子可憐春
鴛枕敲畱月影新
百濯衣香露不歇
守宮臂血託來親
歌深子夜蓮心苦
恨

破東風柳黛勻
車馬西鄰松柏晚
朱闌十二誓花神

庾樓對客

平蕪春碧動芳洲
千里煙光一望收
漁唱自來風定處
胡牀須上月明樓
江山如畫供杯酒
雲物無心送客舟
不醉無歸莫惆悵
夕陽遠水易生愁

與友生談江上

楚蜀江長走急波
春雲覆岸客帆過
洪流九派

晴瀾闊要地千年戰壘多傳說
斬黃飛羽箭回看湓浦曬漁蓑
東風一曲思無限桑落洲前起
權歌何無忌與桓玄戰桑落洲地近潯江

養疴遊金陵諸山寄懷子微敬之姪輩

以下辛巳金陵疴嘔

豈因流寓閉柴關遊盡青青白下山
病示維摩方丈易心知元亮折腰艱
壽陽斂笏情何劇蓮社攢眉意自閒
草聖畫禪多羨汝可能一葦溯潺湲

牛首用前韻寄

扶筇曾約共躋攀怪石巉巖獨往還
天闕雲晴懸畫壁辟支禪寂與僧關
煙深境僻峰峰好世亂愁多處處艱
每念江淮情事急天風夜動秣

陵山

因江北傳警

過燕子磯

弘濟巖前草樹微觀音門外水煙霏
過江桃葉今何在辭巷烏衣故不飛
拂石便思垂釣好樣舟嘗想挈家依
洲生潮落斜陽外千古消魂是

此磯

無題

團扇盈盈動淺吟
比紅詩在悔還深
海棠欲睡春風惱
豆蔻含胎夜雨侵
舞看柘枝絲並繫
帶無松下結同心
雙雙兩兩原何意
欲語從前恨不禁

途中見獵兔者

晴郊霜氣起冬溫
圍合三驅共逐奔
十里臂鞬飛日落
一羣走馬動雲屯
血腥枯草分平隴
酒

指高旗過遠邨
爲笑秦庭丞相府
空思上蔡出

東門

途遇同年某偶
談閣臣薛事

恭觀冬至南郊

辛巳十一月十九日
以下壬午匪騷

羽仗霓旌出法宮
迎陽祭告履宸衷
太平玉燭齋心切
上古陶匏禮數隆
海宇清寧隨律轉
聖明呼吸與天通
爲瞻龍輅郊行處
捧日祥雲色正紅

裕陵陪祀

松柏陰沈碧巘層
列朝龍鼎此中昇
太行雲護

三千里紫氣光瞻十二陵
牲帛孝開時令早冠
簪肅聽夜鐘升
例聞長陵鐘起諸陵始祭
北辰畫鎮華戎界
御寢長楸一嶂憑

通州屢飲王鐵山憲署

時王有東撫之命因憶其曾司理九江時

連宵屏罨亂春燈
十日歡於河朔勝
薊北湖西緣巧值
廬雲燕酒各情增
人宜丘壑慙康子
朝羨夸吾有茂弘
心事欲傾傾不盡
潞河沙水疊層層

泛飲潞河

己卯曾督京營住通州因有感

日出波明帆影移
轉漕萬里此河涯
江南煙水驚歸夢
幽薊風沙入望疑
禁籞龍驤曾駐督
錦州鐵騎又驕嘶
予懷渺渺流光裏
未便尊前倒接羅

九日賜宴

通明曉曙商雲祥
萸酒香傳紫禁長
立仗帝臺無馬舞
颺風羽葆見龍翔
樂聲晴沸開雙闕
花氣秋清出建章
飽食大官慙獻頌
九重九日正當陽

憶諸姪子微菽之輩

垂釣滄洲未有期
西風吹憶小山枝
桑乾古渡迷鴻路
魏闕晴雲影鬢絲
客夢尚尋湓浦醉
宦情怯上秣陵詩
阿咸流落江南處
紅友青箱孰共之

秋懷八首同龔給諫芝麓詠

余時謫順天府授

晴空高鳥望來賒
憶遠傷懷若倍加
客夢南歸先旅雁
家書北至後秋花
燕京節氣寒初雨
故國江山愴暮笳
但念神州陸沈事
唾壺碎擊亦

徒嗟

其二

高風搖落露初凝
華髮逢秋也似增
苦憶亂離歌隴水
誰爲賊退賦春陵
旌旗不覩韓擒虎
蓐菜空思張季鷹
故里江天漁牧處
層樓獨自亦須登

其三

雨餘雲散玉泉峰
日靜風恬太液鐘
客次報書回涿鹿
邊愁隨雁到盧龍
蒹葭人遠秋容澹
楊

柳歌殘別恨濃惆悵江南江北事鄉音三月隔
傳烽

其四

蹉跎初志負冠簪燕酒愁多醉不酣歎有步兵
臨廣武哀如開府憶江南閒瞻御苑煙重碧竚
望西山色蔚藍爲讀平淮碑一過唐人已勝晉
清譚

其五

何妨埽斷馬蹄痕博士秦官古道尊供奉福輕

無紫閣中書貌寢失黃門晚年讀史方知用舊
日殘詩簡不存多事四方秋氣在續騷應有未
招魂

其六

杜甫秦州感亂離江淹別恨賦淒迷可堪樂國
歸戎馬怕憶銷魂到鼓鼙只有風聲驚楚水更
無雪夜下淮西高秋玉露傷清眺不見蕪城空
日低

其七

風清西序解炎燄人向東南盼暮潮往事看雲
尋逝水殘園覆鹿歎垂蕉詩從世變增悲涕些
與忠魂作大招安得太平復淮楚終將生事老

漁樵 家園賊燬同鄉胡編
修錢光祿輩殉難

其八

西風傳警建康城賊騎連屯舒六營會議日更
新督府赴援人駭舊牙兵花釐醉月南中俗戰
艦歌漁河上聲回首秋清搔短鬢夸吾江左定

誰名 此時督府多更
議京營多調援

春愁八首

癸未
非騷

御溝春雪蕩溶溶禁苑晴雲拄笏中奏對日開
温室召捷書時報貳師功 謂虛飾
捷報 台垣馳驟勤堅
壁 新考選臺諫
皆催督守防 戍卒分防厓詰戎尚使青菜逞窮黷
渡遼窺海問艤艖

其二

斷國籌邊日共論分憂社稷屬何人防邊自不

思西市 遣樞貳防兵飾報修
河間城致上震怒 請問何勞動北辰 有請問者復
牽顧於情面

杖 廷 違詔將軍堅細柳 總兵某過城下
宣之竟不至 抗章侍御認埋輪

泰階空想平星漢紫極深衷託大臣

其三

春城春望帝星明紫氣宵瞻紫極橫
肅慎裔苗仍牧馬潢池盜賊敢稱兵
封章須竭羣公策征鼓應催大將營
要使廓清歸宇宙願為野老頌升平

其四

天街細草委珂遲鳩鵲寒光入望思
折檻誰為辛慶忌時有人折檻而無援疏
薦章人盡魏無知薦舉人材者時頗多
西臺簪

筆縱橫處

臺諫日多疏牘

東閣門庭暮夜時

後閣臣果以暮夜致上聞震怒矣

可

念未央勞訪問使臣何策受鞭笞

其五

黃巾黑闥亂荆襄東望烽煙入建章
叛將連營飛曠騎健兒橫水奪餘艘
江南鯀盛愁歌吹天塹風波失淼茫
遙憶山頭望廷尉幾邨門掩稻

花香

時楚鎮叛

其六

神京鬱鬱護卿雲羽檄紛紛不忍聞
要害盡為

蛇豕窟分營誰是鸛鵝軍郢中宮殿流妖血洛
下衣冠染寇氛流賊入楚豫鵞鷺兩行承陛楯可無人
與樹功勳

其七

南國烽煙與夢遊北平花鳥起人憂藩王問渡
迷鸚鵡楚事也潰卒橫戈舞髑髏延佇旌旗唐相國

時閣臣督師未行

羈縻爵賞漢通侯

封四鎮事

魂消春暮回書雁不

道於今始欲愁

其八

簪裾上殿亂春雲召對平臺每夜分流涕陳言
多賈誼請纓繫組盡終軍邊牆未報平安火江
漢猶遲露布文惟使聖明憂社稷漢庭何以樂
橫汾

送葉芝羽僉憲九江

朔風吹卷北平旌正是潯陽急論兵吳楚重臣
支半壁江淮雄鎮倚長城柴桑憶擁周瑜艦夏
口看屯無忌營若眺庾公樓上月清光念我舊
遊情

先送芝羽隨閣部贊理其行未果存錄

原詩

護軍特遣漢朝郎
阮瑀軍書羽檄忙
黃閣虎符歸幕府
赤眉魚釜泣干將
饒歌競發金陵路
京觀高封郢水傍
五月旌旗南下處
營中司馬重龍驤

幽居

以下回燈
集檢存

長日深居只閉門
落花瓣瓣點苔痕
偶臨青李來禽帖
自倒紅螺小蠹尊
讀過史書曾有恨
妄

通賓客怪無聞
年來好寂原如此
鄧禹窺人不足論

飲湯生舟中

草滿平堤芰滿湖
木蘭搖曳影菰蘆
高歌對月吟烏鵲
長笛臨風起鷓鴣
笛調有鷓鴣
筵近翠眉淹玳瑁
酒翻紅袖濕瓊瑜
夜深尚有如泉送
痛飲何妨倒百壺

遊蘇州呈太守史念沖

楓落長橋雁到初
寒衣昨接過江書
得金朋好

分皆盡貫酒壺併興不疎欲問要離秋草沒回
思勾踐暮雲舒畫船夜月簫聲散獨聽城烏起
闔廬

南遯至濟寧同行同部鄒彥先以旅壁

官字韻命題

甲申四月十二日賊撤營東行城門不
甚巡警守兵寥寥惟受職者移家盡

入衙門未可脫身吾輩得
以邏卒之疎坦然南遯矣

已戴黃冠不是官京華一出世仍寬可憐血濺
千門冷誰道魂搖三木寒薊北塵高粘淚濕江
南鵲老帶聲乾兵戈滿眼孤臣在驢背斜陽客

夢單

同彥先南還時賊帥董姓者尚往來淮

徐間比到邳晝伏宵行至泗而亂兵

四掠阻計家廟之湖中喜晤清河文

學陳體中喬梓相為擁護得免於兵

淮水燕山淚不收兵戈尚阻一孤舟難消覆楚

千年恨且寄人豪百尺樓恢復舊京傳上將相

思南國冷羈囚隔江書信何沈滯目斷流雲起

暮洲

其二

野岸孤舟落照明
羈人血淚與湖平
陳琳草檄名初重
鄒衍談天業正精
燕北壯猷誰整頓
淮南殘寇尚縱橫
相逢邂逅傳杯語
可似新亭共結盟

舟中憶友

時將抵金陵

秋原雲散鷓鴣啼
月照天空鴻雁低
身陷我同秦塞北
詩來爾似夜郎西
隔江山色難消酒
一夜濤聲可寄題
無限相思不相見
金陵時物寂

淒迷

其二

夜夜西風古渡頭
傷懷有客在滄洲
誰為郗氏求山隱
人道鍾儀盡楚囚
蜀帝遊魂啼野鳥
海翁愁思亂沙鷗
悲歌當泣無知我
鐵笛橫吹放釣舟

歸來

寓金陵野市

歸來息影剩餘身
淚灑西風濺葛巾
遼海誰能為避魏
時南中羅織事起 花源何處問逃秦
從教勛業身無

分不信漁樵事亦屯
明月清溪難穩臥
獨看魚鳥轉傷神

元旦

以下乙酉
春眾牀

簡曆占年共野鄰
亂時惟祝太平春
綠蓑帶雨眠如舊
白髮迎風意自新
南國繡裳椒頌酒
他方戎服馬吹塵
從今老我兵戈眼
日對江花淚滿巾

與劉生吉人

岸柳汀花事又新
與君相值日相親
對門山愛

江南雪放步詩題隴上春
白下蹋青休夢客
黃河吹角正愁人
牛衣犢鼻誠安穩
共結漁樵作隱淪

懷葉無美自江州
僉憲歸蕪湖

隔年鴻信不曾過
春日鶯花夢正多
小艇老余披綠箬
長門妒爾画青娥
淮西尊大唐藩鎮
江左偏安晉永和
欲向龜茲問消息
邊烽一望恨嗟峨

葛鼎如同年
自巢寄書并附寄江北直

指使者何芝函書至書中傷悼亾兒
意深有吾黨削色之語葛自澧州歸
後丁外艱兵馬阻絕不通音問惟書
到始知何書

灑涕猶開故舊箋霜蹄空受九臯憐丹陽節暮
何無忌勾漏書來葛稚川湏水漁歸忘小草澧
蘭香遠聽啼鶻不知投老傷心客望國思鄉兩
淚懸

賦得春星帶草堂

巖屋清和靄夜晴蒼龍低挂石林橫茅檐影見
天河轉蕙帳光垂斗柄明月落不沈叢桂色水
流猶照浣花情杜陵韋曲琴書靜列宿闌干戶
外平

張爾四莊居相近夏日見過小飲

我自歸藏汰冰淥君來路入稻畦深熏風驚見
吹頭雪空谷欣傳躡足音玉樹難銷亾國恨長
繩欲繫暮年心少時筆研應焚却好與樵漁共
討尋

除日看時憲曆

邨煙影裏聽歌呼
儼鼓聲中歲欲徂
日月從更新曆算
江山比換舊桃符
春來易醉屠蘇酒
老去難尋賣藥壺
白石蒼厓行坐處
東風今又到
蘼蕪

袁未克過山居

余歸兩年未克始見過
指數往昔慨
歷險夸事等飛鴻
交多宿草語盡而
悲作詩志感

月明共對中宵後
往事空驚廿載餘
投幘我思袁一擲
行吟今想屈三閭
人歸兵燹同遼鶴
夢到河山盡野漁
暑氣坐銷揮塵處
醉來猶恨瓦盆虛

初春

華燠雲色雪消痕
十日春光氣已溫
西夕晴占凝紫陌
東方月上破黃昏
不勞燈火誇豐樂
早羨鶯花豔野邨
春菜春盤隨處好
梨枝不礙老龐門

黃雒河送羅兵憲需孚

以下
丁亥

濡口旌旗拂去思上都星影動梧墀功高破柱
因遭忌道重調元爲濟時淮北瘡痍方貼席江
南風鶴尚驚馳要知羊祜襄陽事峴首碑看隋
淚詩

龔孝升太常至州過飲縱談用其書扇

韻

碧野春深日杖藜忽傳車馬渡花溪到來舞燕
衝香雨憶往飛鴻過雪泥元祐舊人誰致語延

秋門事怕詳稽新蒲細柳堪經眼可道茅堂似
灤西

春日園居用韻四首

常思蜀國四聲絃不把春愁問化鷓油壁馬蹄
畱暮日冰絲雁柱戀華年記歌紅豆能消酒扶
老蒼藤可撥煙若是逢人談往昔休言天寶轉
淒然

其二

錦瑟能調五十絃好懷空老一春鶻鶯花南陌

堪忘世松柏西陵且問年野史成編還子墨歌
姬入傳恨非煙聽他金縷頻頻勸惆悵從前也
惘然

其三

鍾期已絕伯牙絃蜀魄猶傳夜月鶻渭北春深
思供奉江南花落遇龜年三千犀甲風吹雨十
二城門草沒煙歎我老來歸栗里南山當戶亦
悠然

其四

無心捍撥理鶻絃有意閒情託杜鵑詞譜香奩
追子野歌傳協律憶延年好花動月珠移暈美
石平田玉起煙蒼狗白衣看世事不須回首已
潸然

邀王內實工部席上賦贈兼送其明年

北行

夜深歌管動梅花滿座風流氣韻佳道是山陰
王逸少來過田畔魯朱家上都羽獵當成賦列
郡旌旄早上車笳箏野人何所望只求春色到

漁槎

答上虞蔣文學贈詩依韻

猿鶴深心自結盟
龍鸞好句漫投瓊
江湖我夢虞山好
煙景君詩鏡水清
紅燭迎人同頌酒
白虹消影厭言兵
何當蔣詡知羊仲
三徑容余許借名

新移溪莊有浔江客見訪投詩次答二

首以下戊子溪莊

不從漁釣逐溪灣
即乞風來與閉關
小築煙鬟

依野水名人丰采見
匡山傳家彩筆干霄直
投老忘情比石頑
相見莫嗟多難淚
各將愁緒酒前刪

其二

老去心情苦易驚
客來瀟灑得愁平
舊遊好說浔陽夢
新事休談濡口兵
此地尋常輕誌怪
故都人物重追評
小橋疎柳茅齋在
風月同君意更清

擬樂天一日日一年年之詩

一日日人如換夢一年年事比流泉夢來但願
無驚魘泉逝何容問故川難學漆園偏化蝶更
憂瀛海復成田山花澗草尋常在顛倒攤書臥
酒眠

杜宇

無情有恨怨東風喉舌淒清叫語中蜀國鳥知
忠死魄百鳥皆尊杜宇江南花復染啼紅山川今古愁芳
草煙月心聲憶故宮曉夢不迷殘醉醒斷腸春
色在樓東

移竹來種有人以詩乞分答之

笑舉鵝溪畫語論也從簣谷徒龍孫商量食味
寧無肉珍重人看任過門夢到綠雲忘老病響
聽寒玉澹心魂青青幾箇分君種待長幽篁又
一邨

飲鄰莊水亭

亭樹隨宜取次新每來別墅覺相親看懸燈火
如元夕遠聽樓箏似隔鄰便比桃源迷洞口寧
思金谷渡河津從予日日恣延眺縱酒高歌莫

厭頻

送客返九江時在上巳

深更短拍動春風
綠樹紅燈小閣中
好月易低花易落
佳辰難遇客難同
漁裙舊事人猶夢
攬鏡新愁說未窮
君念匡廬雲氣好
還將一棹伴漁翁

見人別歌郎即用韻代之

聽說新聲喜共宜
順郎何事即臨岐
花隨意發如前約
鳥送人啼似訂期
江漲春潮帆影疾
夢

孤夜兩客書遲
壁人自舞矍瑜
月腸斷非今別
始知

懷龔孝升太常

武林湖上廣陵河
聞說扁舟到處過
作相山人遊履遠
修眉才子校書多
新詩應拍歌坊徧
舊夢曾迴諫省麼
老我芰荷江上水
尚傳芳訊及漁蓑

山夜聞鴉用鍾伯敬隱秀軒題

高棲睡鳥忽相鳴
三匝初安又復驚
侶伴並移

林影動飛啼何急月煙橫豈緣曲木猶疑夢可
怪藏身不隱聲小羽深山還未靜聽他啞啞客

懷增

伯敬詩寬平自是靜者
語余慙音危懷仄矣

送楊志孚令番禺時隨營往

清江彩鷁嶺南行新綰銅符意氣橫諭蜀相如
能草檄依劉王粲亦從征明珠初貢遐方譯香
片知同過水盟獨念曉雲分被處戎衣隊裏著
書生

答張登子并寄其兄石臣登子時偶下

榻廢園余以久不入城賦答

以下康
寅溪堂

塢石闌花付草萊旌車過處華門開東陽人物
推名士北固江山起賦才野望今占星使駕春
風舊夢越王臺遙思兄弟延津合康樂歌深濡

口杯

登子舊爲
鎮江司李

寄懷孫方伯振生

帝咨岳牧漢公卿南國旬宣起重名惠澤日流
揚子水清風秋滿石頭城今時財賦推劉晏舊
署才華識子荆老我釣竿須塢曲江東夢想若

為情

居巢陸紹文茂才以詩扇寄投兼惠所

作畫依韻答之

蘿門老隱鹿皮冠飛翰翩然下野灘每憶機雲
稱伯仲今看屈宋作衙官珊瑚罷網惟高枕首
蒼盈階欲當餐須塢山連巢父麓空教相望水
雲寒

邨居偶成六首

隨行藤杖與書函擢水梯山只是憇識事漸如

回味果藏身今學過春蠶好師縱酒陶元亮不
慕清言殷仲堪但有閒情銷未盡歌樓柳色憶
江南

其二

但看青山蹋野畦不將照影學山雞布帆穩過
螭頭舫驢背閒於錦障泥舊衲橫披持瓦鉢接
羅倒載唱銅鞮行藏偃蹇從吾意何必逢人學
笑啼

其三

品月批雲自討論等閒無與到花邨
鴻溝誓割橫橋水函谷泥封種薜門
獨對新晴吹酒氣不思舊雨劃空痕
紛紅駭綠江光淨自在晞帆背夕暄

其四

柳塘花塢結鷗盟誰笑霜華學耦耕
酒病已深辛棄疾詩情猶豔庾蘭成
滿湖風雪還清嘯幾處笙歌祇獨行
從我老顛風景好不聞時事到柴荆

其五

嬾慢心情祇自矜行藏放浪任人憎
尋春似訪章臺柳避事如歸退院僧
草閣山川常注眼旗亭風雨亦張燈
狂談縱酒年年在拄笏長安久未能

其六

蝸居小舍寂如菴僮事耕桑女事蠶
夢自屏間回薊北山從枕上見江南
輞川住有王摩詰趙國人推張孟談
風過漁舟殘醉處湖光一片柳

鬢鬢

壬辰植花果樹於庭用以自怡偶記東

坡白鶴峰有自笑先生今白髮道傍

新種數株柑之語作此一笑

以下壬辰
照清樓

橐駝已去術何傳點綴春庭帶曉煙著屐未知
當幾兩種柑還想食他年開花湘子無畱設辭
爵於陵本灌園白髮先生真可笑幾株猶自說
坡仙

浙余生投詩賦此答之

余往來
沈氏

寂寂蘿門晝掩關朔風吹見故人顏釣竿我拂
洪溪水履跡君離日鑄山紅燭杯深銀鑿落清
霜佩冷玉連環江南江北從遊醉知有休文共
往還

偶題

雖然白髮絲難變却喜青山杖易支腳下一雙
安石屐袖中幾卷樂天詩老來世事真無味醉
去風情尚可思如此行藏誰與語滄洲野鳥自
相知

文喜堂詩集卷中

文喜堂詩集卷下

五言排律

客蘇州紀興排律效長慶體

時從遊有季髡曾呆歌兒曲師

及泗州寺選書呂賡虞并諸僧皆日日同盤桓者

蕭寺居非寂吳門樂可湛客情今覺穩旅況漸
能諳文字交方廣金銀氣不貪馬卿遊未倦阮
籍哭何愁煙艇門前繫雲峰樹杪含吳趨歌欲
歇水調聽常耽日日虎丘北行行鶴市南靈巖

看窈窕笠澤發洲涵山寺遙如畫溪雲澹著嵐
江楓愁冉冉霜柳冷毵毵曠覽情方暢幽人名
自慙船呼老梢子佛拜古燈龕晝短燭還繼飢
來食欲餒酒嘗惠泉冽橘食洞庭甘蘇款同人
熟儂音學語喃阿蒙逢呂子廣虞舊曲有何戡劉汝玉
笑癖調曾老畱髡飲季三名倡尋小玉淨侶挈
瞿曇出共金閭肆歸同貝葉菴空囊畱錦字敝
篋勝瑤函雅興戴安道雄言張孟談良遊從此
繼無意問冠簪

養疴牛首辛巳

靈境感冥悟空巖契夙敦成遊僧作侶得暇病
爲恩古洞神深默雙峰貌肅尊民勞呼佛憫時
亂與山論靜適從吾好煩聒厭世喧息心皈白
業學隱向青門至道參耆宿遐稽迪後昆時諸兒從游
桃花蒼澗寂幽磴白雲捫夕眺江紅濕朝看野
綠昏草天空靄碧厓屋結煙痕醉醒鐘聲在行
藏杖力存渺然寡儔侶茲乃澹心魂山有桃花澗
五言絕句

餘姚入覲舟泊壩上時以驛事將改調
乙亥冬越中吟

堂上琴當輟河陽花未深壩流聲似咽應有惜
予心

席上乞詩者書其帕丙子冬

鷓撥動琵琶淒涼咽雪花門前班馬促無計醉
君家

都中除夜戊寅冬時
家寄德州

驛路鴻飛斷孤城鼓角驚傷心除不盡今夕德
州城

從軍行己卯春扼勦圍
噫時任通務

滿酌叵羅酒多斫彘肩肉馬上彈琵琶莫唱江
南曲

其二

昨日酒家胡顏色嬌於花手接珊瑚鞭脚鈎紅
錦鞞

其三

箭服挂酒僻腰刀上酒樓請言榆塞戍若箇見
封侯

題畫

庚辰永思廬

一艇亂蘆葉空塘生月明伊余尋友出曾似此
吹笙

其二

千山雨冥冥萬樹葉颼颼客意任獨往風波亦
放舟

八月初一日理裝

辛巳秋時欲北上

遠驛夢長道危時製敝裝如何人北去正是雁
南翔

雜詠

以下戊子溪堂

客乘紫驪馬人唱白符鳩可柰聲聲裏能明枉
死愁

其二

天公不可問禍福誰能防不見呂安誣一朝收
嵇康

其三

北邙松柏路新鬼有斲羹魂歸無處所飢冷寄
他城

漁舸

幾許長安客秋風恨失家
漁舸江渚上午夢伴
蘆花

七言絕句

丁卯公車同張玉華過阜城魏璫死處

以下回燈
集檢存

浮雲蔽日使人愁多少
奸雄死便休今日阜城
城下過長安依舊日當頭

癸酉公車同李華仲過琉璃河

一泓清淺映琉璃豈是當年飲馬池
誰使長驅曾到此土人指我過溪時

往萊州道中輿上口占

丁丑戌
寅樂安

棗發幽花馥午風東齊路植比蘭叢
思鄉夢醒輿臺語認在江南澗谷中

鮑老過樂安

一肩一僕遠來過秉燭相看似夢麼
談到傷心啼血處一天風雪下庭柯

濟南畱別樂邑諸遠送者時量移戶曹

馬隨晴路齊山遠酒酌鳴泉趵突深爲問濟南
前日事可知霜雪照人心

量移戶曹南皮遇警回住德州復因檄

催北行代內言別

戊寅
圍嘯

兵火城荒驛舍焚斷篷哀雁帶斜曛只愁客路
驚烽燧莫憶寒閨泣塞雲

其二

別淚將流且忍揮門前班馬去如飛雪花夜阻
桑乾路城北仍傳未解圍

部題差扼勦督糧正月初七日即時出

都示從僕

以下己卯
春營噫

蕭蕭匹馬遠從征是處旌旗列戍明休怨愁生
邊事急春風楊柳一般情

登務關城

春深二月不知春立馬關城望柳新莫道城頭
都護勇陣雲四面正愁人

奉差九江舟過荻港阻風

以下己卯
秋赴潯江

江清水急浪花飛一夜東風阻客歸莫怪夸猶

沙渚上買蓑只欲戀江扉

積雨

積雨連宵阻挂篷平明又報石尤風雖然十日
江行少正好看山煙霧中

潯陽江過琵琶亭

小泊江干夜已秋空亭月冷水悠悠應知司馬
青衫在莫遣哀絲動客愁

丁伯勉以鄖陽幕告病歸南昌因過九

江

非君容易鬢霜侵細數交年廿五深坐對潯陽
江上月秣陵燕市又於今

廬山示隨遊僧雲笈

天台方廣橋邊路廬岳香爐峰頂雲藜杖幾番
都歷徧誰言行脚不如君

竹枝詞

洞庭木葉下初秋湖口波痕落淺洲吳蜀巴賓
休到岸縱橫賊騎過黃州

其二

小池口上立嬋娟門倚春衫落翠鈿若箇招遊
芳草綠關亭半月已無船

其三

妾家夫婦住潯陽暗數門前買船忙却想他家
作商婦年年何以度春光

其四

龍開河口浪掀天老鸛塘前雨勢懸且買鯉魚
市江酒雲頭未許易開船

兩白兔

康寅夏病歸兩白兔自江州購來樊
以文檻噉以佳蔬於今六月日每手
披口齧彼跳此窺百計思逸時勤察
之偶高戶他往竟日方歸一則啓捷
脫焉一則以柵制不遂其狡僵仆斃
矣意其獨憤恚也逸者律逃姑末減
損其日芻斃者遇自不齊情無可矜
戲詠一絕

樊籠鎖處共經營箇逐爰爰箇命傾却似左生

與羊子一行同出不同生

養疴金陵時大早家信到

以下辛巳
養疴金陵

家僮信到未開封先說旗吹迓土龍
淮北年來生事少欲開又怕悶重重

牛首五日

五月山遊午日逢午堂講罷聽鳴鐘
笙歌競逐秦淮舫誰省高寒獨倚松

晚步牛首寺門

拄杖蒼茫破草痕晚山鐘磬立黃昏
年年處處

皆烽火只有山僧靜掩門

南岡獨步

六朝金粉追陳蹟聖代勲名說舊游
徒倚高原何所見酒旗招日下城頭

龍潭過定水菴門有立石一高二丈

江上潮生我未還維摩示病掩深關
到門片石森森立悟得寒山在此間

獨步文德橋

畫樓高閣不同登雀舫鵝笙亦自憎
每日杖藜

橋上立青青雨過看鍾陵

題畫

遠岫蒼蒼古木齊小亭粗構傍雲溪幽人正在
層雲外却笑終南路徑迷

古意

以下辛巳
赴都行憩

紅蓼花殘送上車隴梅春信盼來書歡情訴說
無歡處妾意疑如見妾初

其二

窗雨三更打絳紗灞橋驚夢落燈花問郎門下

從行客若箇徧能熟狹邪

北行江上阻風

荻攬黃雲壓水流風翻白浪打船頭長年莫道
秋江冷楊柳堤南是酒樓

其二

滄江愛對蓼花紅玉破霜螯酒醉楓人說狂風
滯行路幾年仕路石尤風

過臨朐

雁影溪河沙幾灣冷雲高壘穆陵關行行渡盡

枯霜水又見青州城外山

楊柳枝詞

以下壬癸
兵曹屏騷

家家濃黛染春叢處處纖腰怯晚風獨是永豐坊裏種阿誰移得到深宮

其二

須江春岸影搖搖猶映荒邨上下橋玉笛何須

愁折盡流離人散不攀條

壬午家鄉
苦流賊

寒食

絳蠟春宮不用傳皇都酒熟醉箏弦獨憐故國

邨煙斷今日南淮是禁煙

春暖

春暖流蘇障曲房娛郎貪夢合歡牀為因臂轉

驚郎醒訝道嗚珂失曉光

李義山有待得郎來月已低寒暄
不道醉如泥五更又去向何處騎馬

出門烏夜啼與此詩歡怨之情雖
別而閨思妮妮則一也偶憶及書此

戲詠曉蝶

鬚露曉露翅難颺昨夜陽臺夢太狂想像風情誰得似秦宮魂夢一生香

聽人說家園

以下甲申時
避地金陵

家園空憶亂蕪生有客春曾醉酒觥尚說辛夸
花白處城東如雪照人明

示從行汪伶

歌行猶自得何戡尚與殷勤佐酒酣我有傷心
千種恨鷓鴣切莫唱江南

秋分

蝶戀殘叢鶯未歸秋光半落釣魚磯蘆花不識
寒霜至尚學春風柳絮飛

江行

寒波渺渺暮煙低繞徧長江覓舊磯南北奔馳
曾幾處山川只有淚霑衣

乙酉元旦

癸未甲申兩元旦聖駕視朝早於常期朝鐘久
鳴諸臣鞭馬長安街上趨朝不及又忽退朝移
時復出此事兩年如一當時人憂不
祥之兆今因夢紀此真不禁泣然也

弓劒攀號恨未明天街走馬憶縱橫可憐昨夢
朝元淚都入東風作雨聲

看閱

此為黃鎮駐州
事以下乙酉

喧喧鉦鼓動侯營點將龍旗掣日明淮上只今
多築堡黃河何故不防兵

過藏佛塢示李生

亂山秋草過頭深撥石穿雲特遠尋霧雨粘空
迷客恨無愁獨有道人心

歸漁

風發江漁上網稀晚潮急撥空去聲船歸前番雨
驟波濤亂不及收綸便落暉

其二

蘆茁圓如竹筍圍鮐魚網得玉鱗肥斜陽醉脫
蓑衣臥肯復開船觸浪飛

紫薇花

人道花無百日紅看他六月到秋終獨思朝暮
榮華事只與編籬木槿同

江洲四絕

紀州事之
變戊子

江頭白浪高於屋雨重帆收各銜舳黑霧堆城
兵信訛江洲近眼猶啼哭

其二

鴉啼白骨積如薪蕞爾軍城起戰塵野老吞聲
江上哭狐鳴祠裏是何人

其三

長江夜靜起濤聲無限傷心對月明芳草春風
隨處徧如今只不到江城

其四

荻根沙路有行塵多少流民日問津只道野蕪
春色好桃花滿眼恰愁人

竹枝詞

以下戊子
秋溪堂

雨餘月出水平堤堤上行人唱竹西唱到新編
兵火事慘雲昏霧一時迷

其二

月明偏在水溝頭水滿無人趁月遊水月相逢
都稱意只郎難渡使儂愁

其三

儂家住在大江邊門外風吹浪拍天郎到直來
眠我榻船頭風浪攪郎眠

其四

酒帘高挂竹橋頭橋外闌干繫客舟到此記看
雙柳樹不須走過杏花樓

偶作

家人笑我老耽書
洛誦還如就塾初
山水友朋與書卷
老來惟此送居諸

山莊

以下已丑溪堂

桃發莊門似曉霞
門開興發酒須賒
山童怕躡山溪路
虎跡縱橫噪亂鴉

其二

依舍桃開枝亞低
松溪欲折望如迷
邨深人靜雲輕護
聽得流鶯自在啼

偶代

多時不聽小瓊簫
冷落門前紅版橋
道我情消吹面酒
可知心醉不曾消

示客

今年冬暖天晴好
地闢人閒喜寂寥
只少溪橋梅幾樹
與君吹笛碧雲高

與客飲感舊

檀版牙牌事事新
小車花下自相親
勸君莫惜花前醉
舊醉花前今幾人

春日對客偶吟

老去休歌可柰何
須將酒琖索顏酡
如今不買春風醉
笑殺相逢春夢婆

其二

蘼蕪日照欲生煙
中酒吟春只醉眠
誰道買山人住少
溪雲我臥已三年

雜吟

賽會人稀古廟東
午煙晴裊酒旗風
遊人不盡春遊興
醉帽敲斜落日中

偶吟

楊枝濯濯水溶溶
日望江南青幾峰
欲向江頭添草閣
墩傍先自種芙蓉

禪菴贈歌姬限韻

羞將曲誤向郎瞞
綃沁冰肌暑亦寒
老我無情似禪客
籠燈對月也同看

哀季生

江濤怒吼野雲涼
我憶窮顛舊草堂
漫說鄰家吹有笛
恐無人過似山陽

其二

曾聞腹痛誓車過此義如今果若何獨媿論交
是朱穆世人從此息交多

適廬江候孫仲吉明府途中

以下辛卯
過潛作

浩蕩湖波春可憐河陽花發正春天乘流一舸
潛川去單父堂前聽五絃

其二

冶父山前策杖過幾邨雉乳雒春和使君爲政
何勞問只聽田家五袴歌

周公瑾墓

墓草春雲帶野燒雄姿英發想前朝巴丘勞瘁
同諸葛枉殺風流納小喬

左僊人墓

元放山前片石孤野雲荒冷洞門無英雄寂盛
稱三國我愛先生只釣鱸

潛歸王鑑老攜尊舷歌數十里方返言

此別之

聞說彈冠滿後車野漁老隱戀江涯結鄰只想

君移住日醉花溪與酒家

草閣與客坐雪

以下辛卯溪堂

自掃寒雲坐玉壺
棉裘高擁醉屠蘇
何須蓑笠孤舟釣
共倚茅亭亦畫圖

春雪與客戲談

欲呼紅粉鬪春英
客誚歡場力不勝
老我春懷勝春雪
未將一瓣減花情

池上立小閣

誰言微似蟪蛄睫
側近雲山盡入來
竹雨柳煙

排蕩好支撐小閣亦悠哉

題梅

以下壬辰蕪園

翠禽啼斷雪消天
春院深深笛韻傳
正是酒醒難寐處
香風吹月到窗前

題竹

聲聲環佩玉玲瓏
清影窗前掃碧空
應為湘江人去遠
闌干空倚月明中

墨竹

佩環聲冷晚煙垂
望裏秋陰盡可疑
翠輦蒼梧

巡不返湘風湘雨黑離離

墨菊

黃花珍重弄秋妍五柳莊前伴醉眠
顛顛形容今不似豈因霜改義熙年

題漁者

江樹蒼茫亂野煙溪流逆轉似登天一絲雖費
蘭橈力釣得魚時却醉眠

其二

茅屋低棲綠柳坡船頭時唱竹枝歌日長人道

南風熱偏我涼生水面多

楊柳枝詞

一枝斜颺自青青勾引春風別有情從說長條
攀折盡舞腰猶是舊輕盈

看畫雲

漠漠婷婷望不遙晚風吹斷在山腰分明記得
遊時見不是香爐是石橋

座客醉索口占贈歌姬限棠字

歌版驚翻夢鵲霜月寒杯暖酒爐香小姬怪道

無畱贈偏欲題詩勝海棠

閱張文昌集中有天子親臨樓上送朝

官盡出道邊辭之句志感

甲申春正月閣臣督師真定禦

賊聖駕餞之正陽樓上相對拜以重之此古今未有之榮遇也感事泫然書此

正陽門上曉雲春龍袞當時寵餞新不見恆山能督戰弘文院內拜親臣

舟行花家疇

甲午

芙蓉轟疊翠雲多九折溪流漾碧波明聖湖頭昔遊處較來翻厭有笙歌

其二

猶憶詩題暮雨灣笙歌繚繞醉煙鬟可堪三十年來後啼鳥扁舟獨往還

其三

纍纍高冢沒荒荆多少簪纓失墓銘獨有南宮畱片碣神鍼老隱尚知名

詩餘

點絳脣

以下回燈集檢存

意榮情花可憐無數依芳草翠牽紅裊淚滴愁

春老 燕子不來春色為誰好年年惱雨飄風
掃怕落胭脂早

浣溪沙

代人
詠事

夢逐東風過杏牆簾波影裏箇般香佩聲輕轉
小迴廊 蝴蝶只於花裏活鴛鴦偏向睡時雙
獨教虛語誤王昌

其二

壁上蘭缸帶月光朱闌十二下寒霜守宮尚擣
在花房 姊妹風流水雪冷宮奴怯活夢魂香

畫樓回首意難忘

念奴嬌

秦淮遊舫感
事 辛巳

今日來遊渾未改舊日舞樓歌榭揮塵彈棊仍
畫船來往玉簫犀屐地漱膏腴

金陵志稱
地之膏腴

天開圖

障一任閒休暇中原景象此間全不驚訝 回
想二祖雄圖兩京鼎峙肯迷人蘭麝眼見吹笙
畱宴處只與鶯花增價淮水波紋石城翠色添
我些悲詫劉琨何在江襄傳說東下

時張賊已
下襄陽

憶王孫

己卯督營糧見難民逃回者皆言曾於渡香河時
見德王與妃被擄以黃尺組繫其臂一小竹兜引之

余憶紀宋事者有憶
王孫一詞遂作小令

朔雲漠漠影雙飛
宮殿回頭事已非
共坐寒兜
數落暉淚依依
香水南流恨洛妃

滿江紅

甲申三月二十三日
至良鄉以賊東去得遁
此時宮闕尚未燬

千古傷心劫災運
我今身見凝望眼
河山依舊
軍旗新變江南
鷓鴣老飛啼血
燕京羽鏃猶傷箭
但回頭故國不堪思
空悲怨望援救誰
征戰嗟
宛辱何宮殿
哭秦庭甚處包胥
無面滿地風塵
粘鬢影一天
霾霧羞歸倦
如今作緇侶
黃冠

從述賤

錦堂春

感事以下
乙酉汰水莊

玉斝酒酣綠荔畫屏燈
隱紅蕉無情有恨憑何
見嗚咽託瓊簫
燕為尋巢春到桃
貪結子花飄連朝
風雨催人意慵去
戴珠翹

無俗念

喜諸弟姪輩過邨墅
時乙酉三月十八日也

碧絲朱澹看春光
易去疾於飛鳥打疊
匏尊從白髮肯使同春
俱老芹煮青泥粟春
鷗谷隨便安排了
惠連羣季到門情興
夭矯傷心此日

難言南冠囚楚顙鼎攀號杳銅僊露泣青龍事
說起魂銷飄渺眼底滄桑中原戎馬何處逃紛
擾蘭缸犀罈莫教歌語低小

減字木蘭花

感春

問春不語正好餘華何易去乳燕鳴鳩亂簇花
翻不解愁珠樓翠幙遮緊東風休放著酒醺
紅酣好襯江南切莫慙

滿庭芳

與客山
堂感歎

照返紅霞衣潮梅雨芳檐靜對連旬傷心今古

何意問芳尊漫數南朝舊恨梁陳後事又添新
蕪陰路宮妝幾騎鐘斷景陽辰休論郊野外
竹枝歌咽多少聲吞望江東雲氣可尚氤氳好
上扁舟去也釣竿挂東海長綸銷魂處火旗雲
轟寂莫楚江屯

摸魚兒

自感

鏡中看星星如許丹砂靈藥誰遇清平尚惜年
華促況值兵戈擾處君莫誤且試望斜陽芳草
天將暮匆匆起舞算只是悠悠樵歌牧唱鎮日

陪邨鼓 來朝事誰定陰晴風雨看他車騎秦
楚封侯鵲印今安在笑殺江頭漁父還自苦空
嗟悼唐陵漢寢無千古孤衷自語好繫住時光
高山流水問取滄洲路

鷓鴣天

元旦與客戲作
以下丙戌泮水莊

冷澹傳柑宴未堪東風吹雨濕穆穆新移梅瓣
開仍瘦宿困壺觴酒易酣 牽舞袖斂歌衫何
妨鶴髮倚湘簾江雲湖草春春好誰道衰顏醉
不慙

醉花陰

贈伎

聽咽松風山也老世事愁何了與客計消除只
醉花陰共倚花翹倒 迴文顛倒藏機巧寫就
烏絲好細雨按歌聲莫訴酣歸酒灑金荷小

定風波

六一翁有把酒花前欲問他欲問伊欲問君
欲問公數首詞余以欲問兄欲問天足之

把酒花前欲問兄今年再莫負花盟幾隊紅衫
千斛酒攜手朝朝扶醉理瑤箏 每憶從前花
草路虛度等閒頭上便星星舊日看花人已少
吾老賞花能趁幾春晴

其二

把酒花前欲問天莫將風雨妒華年
畱得春光三二月輕撇忍將紅粉落狂顛
終日問天天不語惟許急斟美酒促歌絃
休使閒愁風伴雨春去只嗟顛顛對花眠

憶仙姿

元宵

四處鼓簫聲沸聽得歡呼人醉昨夜雨淋漓生
怕燈沈門閉還未還未西北晚山霞霽

西江月

正月廿九日

早看雲霞起曙夜來風雨初收披衣先上望山樓
欲數曉山明秀芳草苗遮屐齒梅花蒂落
釵頭問君春事幾分休又到春正廿九

滿庭芳

回友人書

握月擔風吞花臥酒豪情久已全休元龍老去
偃蹇只高樓憶想驚天噩夢把做一餉春愁傷
心淚恰如風雨日夜不曾收一緘書信到故
交萍散身世雲浮看行吟澤畔謂我何求但尋
巢燕子不似這世路悠悠堪回語司空圖病恐

跌殿東頭

浪淘沙

愁霖

風雨送年華門掩山家東風更不住些些聽得
幾聲泥滑滑鎮日嗟呀 愁緒亂天涯沒處支
揸曉來望眼怕雲遮却又助成紅濕恨淚並飛
花

南歌子

啼鳥東風裏梨花暮雨天水沈香燼日垂簾昨
夜故人魚雁帶愁傳 芳草門前路青山望裏

煙一春屐齒盡無緣只有安排心緒付尊前

西江月

節近好天寒食門關暮雨飛花青山日日被雲
遮歌扇舞衫都罷 舊事愁還未了新來老覺
添些紅妝高燭冷窗紗不照海棠深夜

定風波

寄書復時
貴見詢

司馬同人久不知宣和時事不堪思老我杖筇
何所用攜共酒邊山色淚邊詩 書寄一封雲
色遠速轉南鴻莫到北風遲頭上雪霜囊裏水

如此誰能復夢舊曹司

望江南 送春

春欲去惆悵若為情芍藥怯開因贈別鷓鴣頻
叫為難行相與戀春深 能幾日畱得不登程
微雨過時絲裊裊東風終不准畱停急急促歸
心

烏夜啼 愁霖

盲風癡雨飄零幾時晴十二紅闌濕徧不堪凭
東方日西方雨實無晴譬如冶游郎話豈真

情

清平樂 第一體

臨風小立望眼橫空急一羣白鷺飛來界破平
蕪青碧 一白鬚人說愁多何如鷺羽婆娑問爾
谿雲澗水元來也有愁麼

烏夜啼 與前體異

蝴蝶不辭春夢燕兒偏怕愁門玉釵敲斷歌聲
落風雨已銷魂 牀上書連屋濕香篝被與衣
熏投壺聲斷金船冷堆枕記春痕

江城子 自慰

行年六十已為多禍來囉且由他空使眉攢百
計沒搓挪愁到愁來愁不減尋著你怎如何
江山今古也消磨此身呵似塵莎劫灰數裏安
得便逃過莫算後來難算事思算得幾人麼

謁金門

連夜雨漲滿拍堤春水為問春愁誰與比比春
潮漲起 酒好不澆愁壘花美難禁風細剔動
燈花翻覺喜客傳來雙鯉

江城子

野步望仁度
子微莊址

新晴信步也扶筇柳花風過橋東幾箇山樵過
澗語從容可怪隱侯人尚識驚歎我是衰翁
旗亭賞酒苦無從野溪通水溶溶處士山家煙
嶂未重重茅屋灣碕遙指在舟莫渡看雲封

杏花天

贈伎

晴霞色與橫波亂檐影動燕拖花顫春光欲去
從誰喚逐向桃花人面 紅牙拍拍伊州徧笑
醉後金荷還戀冠兒髻整裾新茜春駐曲塘深

院

蝶戀花

手撚花枝紅欲語，羯鼓催花，便與花魂遇。浴罷
蘭湯香霧裏，夢魂先逐巫山去。數尺生綃濃
睡處，紅玉堆邊冷，却鴛鴦意欲把幽情還訴。與
樓頭驚煞翻盆雨。

賀新郎

重九前二日
東菽之諸子

時序難忘酒記中，秋盤桓好月，又將重九幾日
歌絃辭錦薦冷落，山堂老叟空夢斷，折腰垂手

野蝶黃花相領處也，知愁漸到寒霜後，須緊趁
佳時候。紅牙彩扇新班，就說嬌姿前，魚後泣
花攢錦鬪，欲向華堂看旋舞，再得歡開笑口，問
戲馬英雄知否，腸斷滿城風雨，句把悲時清淚
霑紅袖，勝獨自兩眉皺。

鷓鴣天

愁霖以下丁
亥亦好亭

寒食蕭蕭風雨重，年年有意妒春工，夜占燈燄
尖頭喜曉聽檐聲，睡未濃。疎杖履冷歌鍾，胭
脂零亂泣花容，落紅欲上枝無力，不似衰顏酒

再紅

柳梢青

寒食

檐雨絲絲落花裊裊無限春思頻上高樓急呼
煖酒寒食佳時莫嫌歌版差池紅妝露風前
一枝狂客爭碁妖姬嬌醉也有風期

少年遊

第二體

春陰猶自擁重裘老嬾怕登樓似雪辛夸蒸霞
茶樹載酒有誰遊枝頭百舌聲聲轉春事幾
分休雲母屏前沈香火底若箇倚窗愁

點絳脣

席上與歌郎以
下戊子溪堂

一曲清歌曉煙猶戀桃花扇酒杯頻勸燈照紅
妝面愛殺妖嬈版拍伊州徧腰肢倩舞衣羅
旋共聽雞聲怨

浣溪沙

席上
戲作

人道寥寥似子雲等閒老却病休文如何再負
眼前春在座要尋紅點點新詞能和鼓頻頻
夕陽雖好是斜曛

其二

以下庚
寅溪堂

按住飛雲作野歌
桃花春水野煙和
黃昏莫近夕陽麼
忙處人多閒處少
住山人少說山多
春山無伴柰余何

鷓鴣天

家住清溪野鷺汀
事除漁釣更無營
鴨頭流水門前綠
螺黛晴峰望裏青
花朵朵酒餅餅新
詞牙版按吳伶
偶來漁父從容說
為勸逢人莫獨醒

調笑令

古詞作調笑令多用諸美人事隳括成調余補馮小憐一首然恨尚多遺佚俟續拈可也 辛卯溪堂

隆基堂裏馮淑妃
琵琶歌舞香風馥
三堆不問晉陽急
更請君王獵一圍
翟衣纔著軍聲亂
乞賜歸來人已換
時憶齊宮舊日恩
腸同膝上絲絃斷

絃斷教君看舊寵
新恩空浩歎
杏煙濕鬢風流散
粉鏡照時心憚同
車並席人非伴
魂去當年宮苑

先大父好學不倦著述甚多泉石之間常為歌詩以舒懷抱然杜門諷詠陶然自怡

不欲令當世見也捐館之日卷帙散佚僅
存文嘻堂詩稿一編手題四語於卷首曰
楊升菴云詩須有爲而作文至無心乃傳
又云從前如夢事見我篋中詩其自道作
詩之旨乎端早歲失怙幸事大父童子無
知家學未達後每捧讀此編如見笑語時
思謀諸剗劖而歷試不遇困守寒羶逡巡
未遑也今遲至數十年始得 宋漫堂大
中丞 尤悔菴太史兩先生序而行之序

得皇甫詩藉以傳益痛吾父之早世小子
編次之無倫十得二三嘉言殘缺以云繼
述負罪實深時康熙戊寅九月孫男 端百
拜謹識卷末

文嘻堂詩集卷下

大...

...



